



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Talis est dilectus meus, & ipse est amicus meus, filiæ Hierusalem.

urn:nbn:de:hbz:466:1-34445

RV PERTI IN CANT. CANT. CA. V.
sibus aureis. Porro guttur (ut iam dictum est)
nulli rei simile, sed tantummodo suavissimum di-
xit: ut per hoc recogites ineffabilem atque in-
amabilem esse internam dulcedinem diuinitatis, ut
merito dictum sit, illud quod deus diligentibus
se preparauit, quale nec oculus uidit, nec auris
audiuit, nec in cor hominis ascendit. Sed nec ce-
terorum, de quibus iam dictum est, similitudines
sufficientes sunt.

Esa. 64
1. Cor. 2

¶ Vno autem dicto supplere cōtendit defectum
totius sermonis, dicendo, & totus desyderabilis.
Vere totus desyderabilis, & semper desyderabi-
lis, quia cum habetur, tunc magis desyderatur,
estque uisio eius in desyderio, desyderium in ui-
sione, sicut scriptum est, in quem desyderant an-
geli prospicere.

1. Pet. 1.

¶ Talis est dilectus meus, & ipse est ami-
cus meus, filiæ Hierusalem.

Ezech. 25

¶ Quomodo potuit, sermo descripsit uirgē ama-
bilem, dilectam, desyderabilem. Non talis pi-
ctura hæc, qualem aspexit illa nō mater nostra,
illa Hierusalem terrena, imo non Hierusalem, sed
Ooliba soror eius, quæ dicebatur Oolla, de qua
& sic scriptum est in propheta Ezechiel. Cumque
uidisset uiros depictos in pariete, imagines ex-
pressas coloribus & accinctos baltheis renes, et
tyaras tinctas in capitibus eorum, formam du-
cum omnium similitudinem filiorum Babylo-
nis terræque Chaldæorum, in qua nati sunt, in-
saniuit super eos concupiscentia oculorum suo-
rum, & misit nuncium ad eos in Chaldæam.
Non (inquā) talis pictura hæc; uerū tamen am-
per

lamini in melius uisum illum & concupiscentiam illam. Humanum dico (ait quidam amicorum) propter infirmitatem carnis uestrae. Sicut enim exhibuistis membra uestra seruire immunditiae & iniquitati ad iniquitatem: ita nunc exhibete membra uestra seruire iustitiae in sanctificationem. Et ego uobis dico. Sicut illa uidelicet non Hierusalem, sed Ooliba exhibuit oculos suos uidere uiros depictos in pariete, uidere imagines Chaldaeorum expressas coloribus, uidere baltheos eorum, thyaras eorum, & formam eorum: ita nunc exhibete oculos uestros, oculos interiores, uidere dilectum hunc, uidere aureum caput eius, nitentes oculos eius, reuerendas genas eius, candida & gratiosa labia eius, tornatiles & aureas manus eius, eburneum & saphyris distinctum uentrem eius, rectissima crura eius, & tangite suauissimum guttur eius, iuxta illud: Gustate & uidete quoniam suavis est dominus. ¶ De omnibus iustum iudicium iudicate, uidelicet quod iste multo melior sit MOYSE. Hoc enim postulabat ipse cum diceret Iudaeis: Si circumcisionem accipit HOMO in Sabbato, ut non soluatur lex Moysi, mihi indignamini: quia totum hominem sanum feci in sabbato. Nolite iudicare secundum faciem, sed iustum iudicium iudicate. Nam illi quidam locutus est deus, & ex colloctione dei facies eius splenduit: sed non caput aureum, non manus tornatiles & aureas habuit, id est, non deus & homo, sed tantummodo homo fuit: & hoc ipsum, quod splendida facta est facies eius, quod aliqua operatus est qualibuscunque manibus, de pleni-

Roma. 6.

Psalm. 35.

Ioan. 7.

Exod. 34.

RVPE. IN CANT. CANT. CA. V.

Ioan. I.

Luc. I.

tudine huius accepit, sicut & omnes alij. Talis, inquam, est dilectus meus, & ipse est amicus meus, & prius amicus quam dilectus meus. Prior enim ille me amavit: & respexit humilitatem ancillæ suæ amicis oculis, & hinc illum ego dilexi, quia magna fecit mihi, magna inquam, quæ vere sunt amici. Hoc autem nunc agitur, ut uester quoque dilectus sit, & ut sciatis uel cognoscatis iam ex parte, quæ uere diligendus & totus desiderabilis sit, quæ dixistis, qualis est dilectus tuus ex dilecto, quia sic adiurasti nos.

CA. VI.

¶ Quo abiit dilectus tuus o pulcherrima mulierum? Quo declinauit dilectus tuus & quærimus eum tecum? Dilectus meus descendit in ortum suum ad areolam aromatis, ut pascatur in ortis & lilia colligat.

¶ Ergo o dilecta & dilectarum dilectissima, non quasi ignorans, quo abisset dilectus tuus dixisti filiabus Hierusalem, adiuro uos, si inuenieritis dilectum meum, nam ipsæ potius ex te descendendum existimauerunt, & tu doces eas, ubi nam inuenire deberent illum. Quare autem non dixisti, dilectus meus ascendit in cælum: sed dixisti, dilectus meus ascendit in ortum suum. Videlicet quia non adhuc infidelibus, sed iam fidei libus loqueris, scilicet filiabus Hierusalem, quæ nec ueraciter dici possent filia Hierusalem, si non haberent fidem: nisi dilectum surrexisset atque in cælum iam ascendisse credidissent. Hoc autem scire illas oportebat ad perfectionem fidei, quod licet ascendisset in cælum, & sederet